

## EPISTOLA

viri in Austria prædicat: Christianam Rem-  
publicam authoritate, sapientia & dexte-  
ritate moderatus, puram ac sanam Reli-  
gionem ad pristinam dignitatem , nito-  
rem & rectitudinem restituere pro viribus  
molitus, atq; sic in corpore CHRISTI haud  
inutile membrum fuit, quod translatio in  
sacra Biblia Sclauonica lingua satis lucu-  
lenter declarat. Idcirkò in Sclauonia il-  
lius obitū omnes viri eruditi & boni, acer-  
bissimè lugent & deflent, dicentes, se fide-  
lem Patronū & Mecœnatem amisisse, purę  
sinceręque religionis basin & columnam  
quasi cecidisse. Quo elogio & laude nihil  
excellentius, præstantius , & suo muneri  
conuenientius tam præstantissimus heros  
post se relinquere potuisset: Siquidem bo-  
narum literarum patrocinium ac tutela  
ad omnes Reges, Princes, Magnates ac  
Proceres pertinet: præcipue autē ad Hier-  
archiæ ecclesiasticæ rectores , & cardines.  
Diuinitus enim excitantur principes &  
proceres, vt imperia restituant, & Eccle-  
siam DEI iuuent: quare omnes principes  
& gubernatores à Deo eximiè iuuantur.  
Sic Dauidis, Salomonis, Iosaphat, Eze-  
chiæ, Iosiæ, Cyri, & aliorū bonorum prin-  
cipum successus & fines fuerunt salutares,  
neq;